



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt IX.

urn:nbn:de:hbz:466:1-11453

Holsatia interim, sicut vniuersa Saxonia, noua quatitur motibus, dum expulso Adolpho, qui Imperatrici Lotharij relicta fidem seruans cessit comitatu. Interim Henricus de Badewide repositus in eam ditionem, arcem Zegeberge, iam defuncto Hermannō, quem Lotharius ibi constituit, occupauit: nec tamen prosperatus est vehementer. Nam Wandalī ad noui principatus initia se erexere. Pribislaus, qui veterem Lubicam tenuit, collecta magna suorum manu, Zegeberge inuadit: Monasterium cum ecclesia tradit incendio: Vnum ex fratribus, qui se defensionī sacrorum obtulerat, obrutū re: reliqui vix fuga elapsi, redierunt in Falderā: Catni qui Lubicam incoluere, satis difficili & ancipiti laborare periculo, quod Pribislaus, etsi necdum fidelis Christianus, fratribus tamen ibi predicantibus satis erat benignus. Nec tam sua mouerunt pios pericula, quam aliorum Christianorum conspecta vincula & ludibria. Nec longū tempus in medio, & ecce alij de mari Wandalī asscenderunt, Pribislaum hostem insequentes: Diu enim nobiliū familia Critonis atq; Henrici de principatu dissidebant, & Lubicam applicantes qui superuenere, diripuerunt omnia quae repererant: Arcem incendunt: & cum hostem non adesse cernerent, cum praeda reuertuntur. Sacerdotes autē vix manibus eorum elapsi, ad patrem suum Vicelinū se contulerunt. Itā frustrato iterum labore, vinea nouella depasta est. Quid facerent optimi patres? Quando praedicatio negabatur, orationi insistere, humiliter deprecantes Dominum Iesum, vt ad gloriam sui nominis & animarum salutem, fidei ianuam miseris aperire dignetur. Interim Henricus terra tam Holsatia administrator, collecta suorum quanta potuit maxi-

ma manu, contendit in hostes, & vandolorum terrā per-
uastans: & praeda indē abacta non minima, gladio &
igne vastauit omnia obuia, par pari referens. Quo tem-
pore Holsati nullo comitis ductu, sed suis auspicijs, prae-
sidium vandolorum fortissimum Plone aggressi, valida
manu ceperunt: communierant, & exinde semper in di-
tione tenuerunt. Nec longū tempus in medio, cum Hen-
ricus Bauaria dux, quod diximus, auxilio socris suae &
primatum in Saxonia, arcem Luneburgi primariā ob-
sedit, inq̃ suā accepit ditionē, pulsos quos Albertus mar-
chio custodes praefecit: Indē ab reliquis quoq; terrae prae-
sidijs, breui consobrinū suū Albertū expulit, q̃ multū
armis & auxilijs Alberto praeualeret Henricus dux Ba-
uariae potentissimus. Quo etiam tempore eisdem armis
adiutus Adolphus comes, recuperauit Holsatiam suam,
anno vix exacto, postquam illam amiserat. Videns au-
tem Henricus de Badewide, quia subsistere in terra non
posset, incendit arcem Zegeberge, & munitissimū prae-
sidium, quod Adolphi mater Hamburgi firmauerat:
Omnia quoq; quae senior Adolphus in terra communiē-
rat, quia ille sustinere non posset, abiturus incendit atq;
demolitur. Conradus autē rex hac audiens, cum de col-
lato beneficio tueri curaret Albertum, exercitum duxit
in Saxoniā, habens in multo comitatu etiam ducem
Bohemie. Sed & Saxones, duce Henrico, alacres illi oc-
currunt, castris vtrinq̃ iuxta Cruceborg firmatis: Ibī
priusquam pugna iniretur, interceptum est negociū, &
indicta est curia principibus proximē in Wormatia, vbi
sine armis res omnis dirimeretur, ad proximum Purifi-
cationis Mariae diem: & indē translata cōuentio in Que-
delenborg, vbi in eam formam, quam diximus, res est
composita, vt haberet vterq; in Saxonia principatum.